

Bosnia and Herzegovina
FEDERATION OF BOSNIA AND HERZEGOVINA
MINISTRY OF LABOUR AND SOCIAL POLICY OF THE
FEDERATION OF BOSNIA AND HERZEGOVINA

Broj:01- 02/2-624/24 SK
Sarajevo, 21.05.2024. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
DOM NARODA**

**n/r gđin Izmir Hadžiavdić, sekretar
n/r gđa Jelena Pečić, delegatkinja**
jelena.pekic@parlamentfbih.gov.ba

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

| Primljeno: 24-05-2024 | | | |
|-----------------------|--------|---------|------------|
| Org. jed. | Broj | Priloga | Vrijednost |
| 05/2 | - 02 - | 82 | 124 |

Predmet: Odgovor na Inicijativu, **dostavlja se-**

Veza: Akt sekretara Predstavničkog doma Parlamenta Federacije Bosne i Hercegovine, broj: 05/2-02-82/24 od 29.02.2024. godine

Poštovani,

Aktom broj i datum veze, Federalnom ministarstvu rada i socijalne politike je dostavljena Inicijativa Jelene Pečić, delegatkinje u Domu naroda Parlamenta Federacije Bosne i Hercegovine. Predmetna Inicijativa se odnosi na izmjenu i dopunu člana 2. stav (3) Krivičnog zakona Federacije Bosne i Hercegovine („Službene novine Federacije BiH“, br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16, 75/17 i 31/23) za sticanje objektivnih uslova zaštite uposlenika u ustanovama socijalne zaštite.

U obrazloženju predmetne Inicijative, između ostalog, navedeno je da po trenutnim zakonskim odredbama osobe zaposlene u ustanovama socijalne zaštite koje obavljaju specifične poslove u okviru provođenja socijalne i dječije zaštite zakonski nisu zaštićene statusom službene osobe. S tim u vezi, predložena je izmjena i dopuna člana 2. stav (3) Krivičnog zakona Federacije Bosne i Hercegovine kojim je propisano da je službena osoba izabrani ili imenovani službenik ili druga službena osoba u organima zakonodavne, izvršne i sudske vlasti i u drugim organima uprave i službama za upravu Federacije, kantona, gradova i općina koji obavljaju određene upravne, stručne i druge poslove u okviru prava i dužnosti vlasti koja ih je osnovala; osoba koja stalno ili povremeno vrši službenu dužnost u navedenim organima ili tijelima; ovlaštena osoba u privrednom društvu ili drugoj pravnoj osobi kojoj je zakonom ili drugim propisom donesenim na osnovu zakona povjereno obavljanje javnih ovlaštenja, a koja u okviru tih ovlasti obavlja određenu funkciju; te druga osoba koja obavlja određenu službenu funkciju na osnovu ovlaštenja iz zakona ili drugog propisa donesenog na osnovu zakona. Inicijativa je da se navedeni član izmjeni na način da se osobe zaposlene u ustanovama socijalne zaštite koje obavljaju poslove socijalne, porodične i dječije zaštite definišu kao službene osobe u smislu ovog Zakona, a sve

kako bi se osigurali bolji uslovi za zaštitu zaposlenika u ustanovama socijalne zaštite, unapređenje kvalitete obavljanja poslova u zaštiti djece i odraslih osoba, te preveniralo nasilje nad osobama koje obavljaju ove poslove. Imajući u vidu navode iz predmetne Inicijative dostavljamo odgovor kako slijedi:

Federalno ministarstvo rada i socijalne politike zaprimilo je Inicijativu Saveza socijalnih radnika Federacije Bosne i Hercegovine, broj: 3/16 od 25.09.2023. godine, kojom se predlaže donošenje Izmjena i dopunu člana 2. stav (3) Krivičnog zakona Federacije Bosne i Hercegovine („Službene novine Federacije BiH“, br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16, 75/17 i 31/23) na način da se lica zaposlena u ustanovama socijalne zaštite koja obavljaju poslove socijalne, porodične i dječije zaštite definišu kao službena lica u smislu navedenog Zakona.

S tim u vezi, na prijedlog Federalnog ministarstva rada i socijalne politike, Vlada Federacije Bosne i Hercegovine je, na sjednici održanoj 30.11.2023. godine, donijela Zaključak V. broj: 1770/2023 kojim je, između ostalog, zadužila Federalno ministarstvo rada i socijalne politike da Inicijativu Saveza radnika Federacije Bosne i Hercegovine, u skladu sa Zakonom o upravnom postupku, prosljedi nadležnom Federalnom ministarstvu pravde, a Federalno ministarstvo pravde je zaduženo da, za Vladu Federacije Bosne i Hercegovine, u što skorijem periodu, pripremi Prijedlog mišljenja o predmetnoj Inicijativi.

Federalno ministarstvo rada i socijalne politike pohvaljuje Inicijativu cijenjene delegatkinje Pekić koju podnosi s ciljem osiguranja boljih uslova za zaštitu zaposlenika u ustanovama socijalne zaštite, ali smatramo da je svrsishodnije da se Inicijativa uputi Federalnom ministarstvu pravde obzirom da je ovo Ministarstvo već ranije preduzelo korake u istom smjeru, te je u skladu sa svojim nadležnostima i zaduženjem iz Zaključka Vlade Federacije BiH br. 1770/2023 od 30.11.2023. godine Inicijativu Saveza socijalnih radnika Federacije Bosne i Hercegovine dostavilo Federalnom ministarstvu pravde aktom broj: 05-02/1-3099/23 od 05.12.2023. godine.

S poštovanjem,



Dostavljeno:

- naslovu
- a/a